

CHARTA DE VALORS DE L'ASSEMBLADA OCCITANA *occitan auvernhat*

L'Assemblada Occitana es una associacion que vòl far liam entre los actors que trabalhan per auidar la vida occitana e mai vòl èsser un ostal comun per aquel mond. Puei que vòl recaptar las valors que se pòdon exprimir dins aquel teissut de vida puslèu qu'afortir las que li serián pròprias, l'Assemblada Occitana s'empara sus un sòcle minim de valors partejadas.

I - **Respècte de la persona umana.** L'Assemblada Occitana es pas compatible amb las ideologias que nègan lo prètz universal de la vida umana. Tota pensada, tot voler o tot fait de discriminacion, de negacion dels dreits umans, de racisme, de misoginia e d'omofobia non pòran pas ges èsser tolerats per l'Assemblada Occitana. Ja deuràn èsser extremats en defòra de l'associacion.

II - **Defensa de la libertat e de la democracia.** L'Assemblada Occitana es estachada de fons als principis dels dreits collectius, a l'ideal democratic e a las libertats individualas e fundamentalas de la persona umana. Pas una entrava a aquelas valors serà tolerada dins l'associacion.

III - **Reconeissença d'una realitat occitana.** L'Assemblada Occitana es una associacion en lenga occitana per l'espelida de l'occitanitat (los traits lingüistics, culturals o politics que pertòchan l'occitan). Los que nègan o desconoisson l'existéncia d'aquela occitanitat non trobaràn pas en l'Assemblada Occitana un ostal. E mai, puei que l'Assemblada Occitana recapta mai d'una concepcion de l'occitanitat, ela i vei un subjècte politic. E aquel engatjament politic es assumit per l'Assemblada Occitana.

IV - **Esperit de consens.** La pluralitat de sicaps e d'opinions, de còps las brejas, son lo jòc normal d'un movement coma l'occitanisme e l'Assemblada Occitana o vòl pas negar. Totun, l'amira de l'Assemblada Occitana es d'ajudar al trabalh comun e a la convergéncia dels actors en favor de l'occitanitat. Per tant, es pas un luòc ont chalha agusar de diferéncias d'opinions mas un luòc de recèrcha de consens. Non s'espèra pas que los actors qu'intran dins l'Assemblada Occitana sián d'acòrdi amb tot e amb totes los autres sòcis, sonque que respècten l'Assemblada Occitana coma eschassença de s'encontrar e d'aprestar de projèctes comuns.

V - **Dobertura.** L'Assemblada Occitana vòl aculhir de mond d'originas diferentas e de còps tractar amb de gents estrangèiras a l'occitanisme. Tolerància intèrna e pedagogia extèrna, si que son de valors nòstras.

VI - **Lo voler.** L'Assemblada Occitana vòl recaptar primèir d'actors de l'occitanitat —mas se substituís pas a aqueles actors— e espia vèrs l'accion. La fam d'obrar per la vida occitana es l'arsec que nos incita. Tot sòci de l'Assemblada Occitana participa als enjòcs de societat segon las siás capacitats e promòu tostemps las valors de l'occitanisme.

VII - **Actitud.** Tot sòci de l'Assemblada Occitana se compòrta d'un biais respectuós e s'absten de tot acte immoral.

En signant aquesta charta, ieu sossignat/ada, _____
(nom d'ostal, prenom) m'engatge a n'aplicar lo contengut. E sei conscient/a qu'en cas de non-respècte de la charta, me pòdon prepausar de mesuras correctivas e pòde far l'objècte d'una exclusion de l'Assemblada Occitana.

Luòc:

Data:

Signatura: